

世界書局印行



景印
摘藻堂

四庫全書卷要

集部
第四五冊
附錄

世界書局印行

景
藻
堂
印

四庫全書薈要

集
第
四
別
集
類
冊
部

本冊目次

書名及撰人

誠齋集一百三十三卷 宋楊萬里撰

卷次

卷五十五至卷一百十

頁次

三九二一 一

欽定四庫全書薈要

集部
誠齋集卷五十五至六十

欽定四庫全書薈要卷一萬五千六百三十二

集部

誠齋集卷五十五

宋 楊萬里 撰



與前盱眙葛寺丞啓

題慈恩之雁塔初記同年過荆溪之鷁舟再分一日慨
雲散之滋久喜霧披之此逢恭惟宮使判府寺丞氣蓋
諸公名高當世尊主庇民之學素蘊胸中經天緯地之
文不專紙上蚤擢東堂之桂騰輝南斗之星從鳴弦治
行之最高膺錫環嚴召而入覲簿正外府吏無遁情制
除為丞國乃既富一麾出守千騎東方賢于七百里之
長城自當十萬兵之堅寨暫此珍臺之少憩即看廣廈
之論思其十載違離寸心鑒寐不意凋年之遲暮得親
盛德之高明其為驩欣未究宣寫

謝陳左藏啓

屬聞鈴齋小寓長卿之重客誰謂州徑亦迂韓子之高

詳校官助教臣謝登雋

欽定四庫全書

誠齋集
卷五十五

軒折屐齒以驪迎聽衝牙之清越恭惟判院有譽寡二
收科疊雙潛心覃思研百聖之淵蘊下筆摘藻罔衆作
之嚶鳴將總轡于石渠東觀之清蹕聊發軔于都內水
衡之劇務某少而嗜學耄矣息心照乘連城驚逢至寶
之投贈擊轅拊缶第媿報章之疏蕪感激有懷鋪張何
極

回韓撫州賀年啓

御溝新柳初回天上之春江路野梅忽寄龍頭之信感

欽定四庫全書

藏齋集
卷五十五

二

故人之相慶與元日以俱來恭惟判府郎中門雙高
聲實並茂臨康樂山水之郡不妨清游哦少陵鶯花之
詩即還近列某立朝無補視陰又新撫歲月之如流慨
林泉之未返

辭免贛州得祠進職謝宰執啓

閒館珍臺奉仙真于霞外道山延閣聯論譔于日邊曾
是山澤之臞洽于雨露之渥伏念某景薄朽止分甘晏
如幼學之壯而欲行之豈不願仕今老矣無能為也矣

加之卧病頽落黃茅之鄉屬嬰清漳之痼臂使指而衡
決錐與穎而仇謀吹燈而作蠅頭故非所辦涉筆而署
紙尾亦復作難虛辱千騎之東來敢把一麾而出守顓
天自免下詔曲從羸牛輟耕聽林間之橫笛老馬倦路
脫果下之鳴珂茲蓋伏遇某官亮天曰仁下士以禮播
鈞德普遂萬物之攸宜納隍思深憂一夫之不獲若為
老病尚賦餽牽某方息交絕游處陰休影濯清泉以自
潔一洗滿裾之埃抱明月而長終未知報德之所

欽定四庫全書

藏齋集
卷五十五

三

賀周丞相遷入府第啓

恭審五卜習吉三神前驅兩兩上能有嚴有翼潭潭新
府是斷是遷茲謂天下之廣居曷云一國之鉅室岩壑
迎六一之思潁水石繞衛公之平泉楚畹滋蘭淮山移
桂雨簾雲棟不但春深將相之家樓影花光別有天入
滄浪之瀨恭惟歡慶某凍吟瓮牖跂足宮牆室邇而人
則遐空有渴心之勞止屢成而燕不賀自笑病身之孿
如

賀太守冬啓

伏以雲低魯觀紀華袞一字之書日麗魏宮詠刺繡五
紋之句瑟彼賓贊蔚乎府庭恭惟某官政隨日新身法
天運名章俊語爭珠星璧月之光義氣仁風回冰谷雪
山之暖聊復折梅于東閣即看鳴玉于紫宸某爭席漁
樵遁身江海華裾織翠自憐賀客之莫隨凍硯流澌更
媿慶賤之不琢

賀周監丞冬啓

欽定四庫全書

誠齋集
卷五十五

四

伏以日華五色初行北陸之虛雲氣萬重特書南至之
瑞仁者賢者神之聽之厥有善祥集于眉壽恭惟某官
才調造乎白雪文律中于黃鐘所謂伊人粹然氷釋而
理順在彼空谷淡乎霜清而水寒盡乘一爻陽復之辰
遂遶三點鵲行之羽某羸然病骨老矣空山製江南落
毛之衣聊以卒歲試囊中餐玉之法可以御冬趨賀未
由占詞不敏

賀周丞相冬啓

伏以景至特書紀三台五雲之瑞客來作頌賡萬有千
歲之章協氣橫流沍寒載燠恭惟某官補天道妙播物
功崇徒枉成而橫野水之舟微霰零而縮霖雨之手巡
簷索笑幽尋驛使而折梅登樓銷憂遠睇漁翁之釣雪
長於上古而不老永與造物而為徒某拾橡樂飢采薪
謝火逍遙賀厦仰瞻相府之潭居不腆壽觴奉上田家
之老瓦其為頌詠罔既敷陳

謝周監丞啟

冬節餽海
錯果實

欽定四庫全書

誠齋集
卷五十五

五

伏以味鏡潭之漁蝦覺海雨江風之入齒釘氷盤之柿
橘聚烏稗金彈之照人敢期四者之難并乃肯一時而
分付恭惟某官軫交游之雲散感節物之日新舉白飛
觴忽念山中之客絕甘分少送將席上之珍頓首拜嘉
占詞抒謝

謝周丞相賀轉中大夫啓

伏以飛龍在天重開太極春雨潤木四達函生野不遺
于外祠秩增視于內史我聞有命尚未敬授于贊書公

將祗瞻相下先逮之慶語小遲九頓首之謝敢忘一援
手之恩占詞不莊全度是望

回新知通州葛寺丞啓

布帆無恙尚記江頭楓葉之秋尺素相思忽得隴首梅
花之信益清風朗月必思于玄度而高山流水久隔于
昌黎側聞千騎之除不越兩淮之近如欲占公論之存
否胡不眠善人之屈伸恭惟某官所學深造于道原餘
事通達于國體語妙天下親傳前輩之典刑敵在目中

欽定四庫全書

誠齋集
卷五十五

六

自任當世之勛業舊常在漢廷群臣之右者晚乃取唐
家一障而乘之袖間之手幾年塞上之馬再至未容葺
廬之建即有壘書之追某卧病荒寒懷人悄改誰其見
太白於禹穴願言問信於何如安得逢杜甫於飯山空
想別來之太瘦抒謝不敏摘詞未殫

除煥章閣待制謝余丞相啓

祝釐報上陪游漢時之祠官第頌展詩復玷堯文之次
對方朝廷求舊以示盛德之事何草茅下客乃為多士

之先仰惟七閣之穹崇減去列聖之制作惟我高后如

彼陶唐以巍煥之文章式經緯於天地金聲玉振紹二
典與三謨星翻漢回舉萬物而五色顧典領之已重况
評論之至榮如某者老而益衰病以自免二節以走阻
造大昕之朝三命滋恭躡陞法從之列使宅珍臺之拂
日得參仙侶之御風據龜殼而食蛤蜊游汗漫九垓之
上揭斗柄以幹海水嬉蓬萊方丈之間庸有為人而擇
官乃令超世而絕俗此蓋伏遇大丞相學詣乾坤之蘊
忠爭日月之光以周公父師之尊弼於嗣聖謂商山羽
翼之舊野有遺民漢太上之意先廣初元之孝理某敢
不堅此歲晚荅於已知放鶴出籠尚竊壯哉雀鼠之餽
縱魚入海遂獲沛乎風壑之歸過此以還未知所措

賀周丞相年啓

伏以嗣聖初年慶三朝之元會鴻鈞一氣轉萬國之春
風恭惟上相顯面正朝之崇超然倫魁珍臺閣之表
法天之運希聖之時隤祉發祥應期紹至水橫梅影舊

欽定四庫全書

誠齋集
卷五十五

七

嘗和玉鉉之羹地出醴泉新釀作椒花之酒願奉上魯
公萬有千歲之遐壽更永觀尚父二十四考之屢書嘉
頌未央脩詞不腆

回周子中監丞賀年啓

伏以王者大一統肇新謹始之元君子法四時哀對履
端之慶是叢壽富康寧之福畢集氣志清明之躬恭惟
某官德行淵騫伯仲伊呂東風解凍吹成白雪之詞章
春日載陽鵲入紫芝之眉宇即覲天門之金榜徑昇卿
月於玉墀某幽屏山寒不知歲換冰花徹骨怯如難至
之鶯柏葉稱觴慙於相賀之燕寸心孤往尺牘萬分

謝周丞相啓

屬入州府獲登相門初求仰潭府而觀光既乃下懸榻
而設醴登樓假日縱觀晴吳曉楚之天說詩解頤朗詠
老蜀歸秦之句雲間梁棟世界鶯花江山遠開應接不
暇超然欲羞蓬萊而薄員嶠浩乎若決雲漢而略博桑
觀瞻少雙榮感千萬謹抒謝臆仰惟鈞察

欽定四庫全書薈要卷一萬五千六百三十三

集部

誠齋集卷五十六

宋 楊萬里 撰

啓

答周子中監丞賀除待制啓

伏以授靈囿於閒館已冒祠官之除森寶書於玉堂復塵次對之選方抗章而祈免致抒謝之少臯恭惟某官文行追乎前修名實冠乎昭代晉伯之與微仲仰玉山

欽定四庫全書

誠齋集
卷五十六

兩峰之並寒東坡之及潁濱豈金支秀華之小異除進退塞通之外無優劣季孟之間既袖手以旁觀請懸車而不得清標絕俗高節邁倫元方之難為兄中表每慙於先用卓茂之拜太傅功名何必於早年某幼辱與游永矢同志忘形而到爾汝屢分燈燭之光握手而出肺肝靜看衣約之變一出而試兩俱無逢豈其所操之畸皆非速售之韞雖枕流漱石終隨高蹈以相依然濁泥清塵曷曰下風之敢望偶誤膺於異數遽先辱於慶賤

燧霜開電折之光以華其老鐔玉佩瓊琚之韻大振厥詞先之以河東吹送之私申之以渭北論文之好心萬其感言多奚為

答撫州周通判啓

恭審端策辰良紆印組之方寸下車燕喜割風月以平分朝發六一其郊其里之鄉暮登半山若蟠若距之閣庭闈咫尺官府穹崇雖名兩地之暫殊其實一望而可接忠孝兼美家國俱榮恭惟判府直閣學傳省齋之衣

欽定四庫全書

誠齋集
卷五十六

職屈士元之驥以三十年涵養之充實久遁其光與二千石協同於寅恭姑小其試獨不見虹蜺紫翠之暈其下乃珠玉潛伏之暉有至珍而未沽無深閼之能揜過庭詩禮瞻夫子之在前錫山土田竚魯公之拜後某自笑老病其誰嘉矜擁高蓋以及門續其觀者焚枯魚而酌醴豈曰禮云怛燕賀之未申駭鯉封之先甲靖言多謝不盡有說

回周丞相賀進爵開國子轉大中大夫啓

伏以進周家列爵之封其班視子增賈傳超遷之秩有命在塗顧同時冒寵之疊雙甫邇日拜嘉之先一有待而謝乃失之臯此蓋伏遇致政少傅大觀文左丞相國公洪化嘯枯上仁播物柳舒梅放皆在春風吹萬之中川泳雲飛孰出元氣函三之外某身其餘幾望已無它久爭席於漁村尚挂名於官簿連城明月首勤相慶之瓊詞墜露落英頓喜再回於生意惓惓有感嘯嘯無央仰惟鈞慈俯賜燭照

欽定四庫全書

誠齋集

卷五十六

三

答周丞相送糟蟹朽木團啓

恭承妙摘走送幽餉疊雙戾止則百拜斯郭索束裝更挾帶糟之味餼鏗彫朽新翻寒具之油豈加籩之敢嘗敬造禰而先薦同我婦子分此絕甘俾公壽臧餘無以報

再答周丞相賀除待制啓

帝有恩言陞之次對臣無虛受方且控詞適寸心恍駭之不遑致尺牘催謝之小緩首蒙相國軫記腐儒先之

以瓊琚玉佩之偉詞申之以鈇畫銀鈎之妙墨非烟非霧豈不榮色正而芒寒如絲如綸尚未獲下拜而登受姑徐有頃別繫謝牋不容騎吏之空歸先為感悰而張本

答吉守啓

比蒙聖恩擢寔次對自顧弗稱再茲固辭致小緩於謝牋乃先勤於慶牘發緘朗咏摘詞有瑤玉佩瓊琚恍從霄漢而下墮破甑敝帚忽覺名賈之頓高俟登受於絲綸顯敬修於札翰姑謝誨劄非日報章仰惟台慈俯垂亮察

欽定四庫全書

誠齋集

卷五十六

四

賀周丞相年啓

伏以二年正月挈天地以趨新泰階六符開日星之明朗倬彼造化為工之處郁乎雲煙非霧之祥恭惟某官一氣轉乎鴻鈞二儀為之交泰揭載陽之日以照平泉之水石歛解凍之風以熙曲阜之山川侵雪色漏春光玩萱草柳條之變餐朝霞飲沆瀣迫方瞳綠髮之仙某

青笠遺心白饒託命聯句洛社願聞中立拉花之詞守
歲咸家敬獻子美頌椒之祝

賀周子中監丞年啓

伏以三日立春方過寒氣土牛之送二年正月又見盍
簪捩馬之喧有美一人來同萬福恭惟某官人物標的
文章主盟剪水鏤冰瑯天葩而覲巧御風騎氣與造物
以同游哀對履端之告元乘成泰吉而景進雲隨白水
聊小詠於鶯花日射黃金即高吟於烟草某老兼疾至
欽定四庫全書
誠齋集
卷五十六
五
坐感時遷江路堊梅敬寄一枝之信椒盤柏酒阻稱千
歲之觴

答周子中啓

屬聞二難胥集方尋對床聽雨之盟一乘載奔願造會
弁如星之列望行塵而未至悵人事之好垂銜泥而歸
弛擔甚憶忽傳魚雁之良訊共歎燕鴻之失期詞旨丁
寧意氣悽斷其為感激罔既敷宣

賀太守年啓

伏以送寒氣以土牛春方迎於帝皞喧盍簪之捩馬歲
又慶於王正有臆邦君之賢允洽國人之頌恭惟某官
奉詔寬大頒條中和春日載陽散作萬家之協氣東風
解凍潛消千里之歎聲哀對履端之告元即觀泰吉之
彙進某違離半月瞻仰二天江路堊梅敬寄一枝之信
椒盤柏酒阻稱千歲之觴

答廣東唐憲啓

恭審崇朝而易三節游疏東闕之恩出使而占二星不
離南斗之次光茫所被中外載瞻恭惟某官以清節兩
唐之子孫有高官千古之風烈秀林間之桂拂蒼玉之
嶠峨折頰上之毒救碧海之芳潤爰自珠宮之市就領
冰坻之醴曾不踰時復移司憲欲知聖主急賢之意於
屢遷而小觀從此春風玉笋之班即一起而直入某新
摩病眼快睹除書曾燕賀之未遑忽鯉封之先墜媿喜
兼集攄寫奚窮

答廬陵黃宰啓

伏以乘槎犯斗泊秋日之樓臺拄杖穿花步寒溪之金碧窮十里九山之險抵千岩萬壑之幽未童子之磨門已羽人之響屐恭惟某官鐔城寶氣脩水聞孫句法親傳出月脇天心之上淵珍孤映分珠胎水府之中尋盟快閣之江山償債釣臺之笋簾弦歌旁縣衣鉢祖風能窮人亦能達人誰謂詩家之寒瘦有小雅故有大雅即扶清廟之隆平某移病休休適身得得泉育霞痼非鵲能破花徑蓬門惟鷗之處怪咄咄山林之寂驚懂懂車

欽定四庫全書

誠齋集
卷五十六

七

馬之喧與俗酸醜自有癖羊棗昌歎之嗜同古臭味更投贈瓊琚玉佩之詞有萬其悰未一其述

荅江西提刑俞大卿啓

屬者夜占天文德星臨於翼軫晨望雲物紫氣至於函闕驚喜廣廈萬間之新已是受賜一民之數念欲遮見即圖駿奔老病所纏願言莫遂乃令兒輩亟代躬行茲謂敬乎良可慙矣不謂交代提刑尊丈折節繡斧之威重篤契布衣之素交雲錦封書恍從天落玄纁厚幣莊

以禮將野人者世之所同輕惟公獨否古事者今之所不作非賢孰能九頓首以拜嘉一出言而何謝復許誄甚都之騎將下臨常闕之門開蓬掃花當出迎千里之命駕折荷薦芰庶小款一尊之論文

賀周丞相戊午年冬啓

伏以日在牽牛應周官之測景月居繫馬申呂令以驚農仰占東垣上相之躔正集南極老人之次恭惟致政少傅大觀文左丞相國公鈞陶萬類寅亮兩儀迎一丈三尺之暉載臨履永上萬有千歲之頌以慶踐長某齧雪絕甘鏤冰自苦惡風動地誰憐獨冷之餘愛日行天聿在負暄之下謂之善禱未易立談伏惟鈞慈賜之下燭

欽定四庫全書

誠齋集
卷五十六

八

賀余丞相得祠祿啓

恭審謁告五旬屹然堅卧而不動遣使十反詔以留行而莫回奔騰東華之紅塵追送函關之紫氣觀者嘆息光於古今恭惟某官謨合臯陶之嘉身任伊尹之重故

邦家之机程拯之以一手而天下之危疑決之以片言
昇啟明掃朝霞寅賓出日降元精扶太極昭格於天方
當命珪相印賞功之秋乃賦清風明月間人之句車幾
兩馬幾駟豈惟帝賜疏傳之金蕃四國宣四方更醉王
餞申伯之酒分十連之重寄冠三殿之大稱意請真祠
歸榮鄉社凜全名高節之獨著曩前侯故相之未曾鷗
鷺候門爭前飛而相導鵷鷺回首仰遐舉之孤騫某辱
知彌深聞問欲舞千里命駕當尋山行水宿之盟一尊
論文已作金春玉應之夢喜而不寐情見乎詞

欽定四庫全書

誠齋集
卷五十六

九

誠齋集卷五十六

欽定四庫全書養要卷一萬五千六百三十四 集部
誠齋集卷五十七

宋 楊萬里 撰

啓

己未賀周益公年啓

五年王春先問建杓於北斗正月吉日頓回入律之東
風自非少傳寅亮之功那得太平有象之慶恭惟某官
身為造化手挈陬維轉一氣之鴻鈞昔嘗入甄陶之下
調四時之玉燭今猶蒙土苴之餘即拜周公而為師更
與廣成而同歲某牛衣僵卧鶯喚不醒忽報頌椒之辰
忙寄折梅之信西江萬頃釀作聖人之清南極一星祝
為仁者之壽

荅周監丞己未年啓

伏以書函交馳誰無施而不報使者係道亦何往而不
來初謂先人有奪人之心今乃求繫而得繫之戚恭惟
某官揮毫珠玉落紙雲烟倚馬萬言視桑蔭而未徙解

欽定四庫全書

誠齋集
卷五十七

一

牛十二拂刀及以如新敢當孫子正正之旗遂應號公
煇煇之策此既豎降幡而棄甲公其振旅凱以還師推
次不莊仰惟昭察

回周丞相賀年送羊麴啓

伏以玉衡之正泰階密運發春於隴首銀鈎之明璽紙
有來守歲之咸家舉林鴉樞馬以皆驚顧官柳堊梅而
亦喜恭惟某官以整頓乾坤之手而對盛德之大以開
闔日星之機而哦獻頌之椒吐詞為經妙者三天而兩

欽定四庫全書

誠齋集
卷五十七

地染雲作葉忽然萬草而千花既下詒謂一之瓊文復
飲賜疊雙之節物霏霏落雪如聞天旋雷動之聲滅滅
飲池想見風吹草偃之狀自嗤一室之懸罄那得二美
之所鍾已飽而歌益習其讀瞠若奔逸恍失一交臂之
間待其春容惟有九頓首而坐推謝不恪誦言未央

荅周監丞送錦鳩十四隻兔羝酒香櫞啓

伏以錦羽在桑翩翩二七褐衣缺口躍躍一雙挾驪伯
以俱來併木奴而畢集恭惟某官邦家麴蘖儒學鳳麟

游梁王之兔園夙推能賦賜漢廷之鳩杖晚冠耆英橘
頌續騷酒箴飽德填然四美醉此一翁某已嘗占詞敬
致追節忽拜辱於珍餉敢復抒於謝誠

賀趙守冬啓

兒童騎竹初迎五馬之臨律呂吹葭忽報一陽之復誰
謂大冬之在序頓回小至以如春惠化川行善祥山則
恭惟某官德同愛日文妙書雲瑞烟祥風轉天地嚴凝
之氣雪山冰壑照旌旗錦繡之香斂時十萬戶之懽聲
散作一千里之暖翠恐即飛於鳳詔遂趣入於鵷行某
忽忽望塵咄咄還舍倚南溪之弱柳方狎漁樵之游仰
東閣之官梅莫陪賓贊之賀善頌無數多言未殫

荅趙守啓

屬勤折簡招致初筵捧移檄以載弄茲謂州民之敬侍
盛饌而變色更為楚老之榮退省清羸久嬰沉痾為心
病為耳痛殆百疾以交攻不飲酒不如葷每十物而九
忌借憑危惴敢辭縻儀自知方命之辜必抵大呵之譴

欽定四庫全書

誠齋集
卷五十七

三

乃重煩於廚傳特飭賜於珍芳下乳酒於青雲出瑀盤
之白玉紫衣職緋衣走紛吏卒之鼎來朝食饗夕食殮
奏餼牽而畢集加籩既秩折俎屢豐靖言餘生尚竊厚
祿歲糜廩粟已耗蠹於邦儲肉繼庖人復貪饗於臺餽
其為媿感莫究敷陳

荅周丞相遠迎啓

衝雨入郭仰謝洪鈞之塊圯登車載路忽傳真帖之光
華辱問訊其良苦於泥中則俯伏而下拜於道左方將
迎應接之罔暇覺進退周旋之弗能盈耳輝如之玉鐸
橫空詭然而鳳躍思勤至厚感愧來并善用兵者出奇
無窮驚逢突騎不待期而薄人於險願監降幡

賀趙守丁巳年啓

使君千騎方瞻高牙大纛之新春王三朝復慶列炬盍
簪之盛恭惟判府提舉大中領條朝徹出令春生汎東
風解凍之崇光揭遲日載陽之清淑綠攬原野青歸桑
麻問斗杓於天邊暫帶江城之月詠龍池於花外即聞

長樂之鍾某已矣年衰居然歲換椒盤柏酒阻稱千歲
之觴望柳官梅敬寄一枝之信

謝周丞相冬節送羊麪啓

嚼氷飲水久甘木客之山殮落雪卧沙走送玳筵之綺
饌夫何天上之相國猶念山中之病身餽節疊雙拜嘉
則百恭惟某官有粉米舜裳之妙巧有鹽梅商鼎之玉
功以德飽人豈空為畫地之餅作羹食士未嘗偏前日
之羊嗟腐儒之覓腸駭厨珍之飲賜既將之以鉄畫銀
鈎之牘復華之以瓊琚玉珮之詞炙硯燃薪聊寫苦吟
而推謝冷窓凍壁頓回春意之暄妍懷感孔多頌言無
數

入城回周丞相遠迎啓

市有虎以殺人久不夢碧瓦朱甍之城郭門登龍而為
御願再瞻青天白日之清明方夙興吹桂以風餐已首
勤行李之郊勞霞發簡牘之字天落雲錦之書三過讀
以清鐸九頓首而距躍頭白眼暗安得拜北平王於馬

前意豁神傾即當候麗德公之林下卒卒推謝拳拳未宣

謝周丞相年節送一羣十鬼啓

適遣山童疾馳賀幅忽逢騎吏交賜誨函既以一鏃逆相直之鋒自笑五更起侵早之曉瓊琚戛擊金薤紛披先之以柳條花塢之春申之以白獸綠旗之寵埜人拜此何福如焉獵雪後之銀麈更哦庾信之句失月中之玉兔不羨聖俞之詩二珍疊雙十輩登一推謝薄遽疏燕不勝

欽定四庫全書

誠齋集
卷五十七

六

荅贛州黃侍郎年啓

伏以日麗崆峒揭載陽之五色春生隴首啓肇始之三朝仰賢帥於德鄰函神人之祉福恭惟某官邦家司直岳牧詞人問斗杓於天邊暫帶江城之月詠龍池於花外即聞長樂之鐘遂轉鴻鈞永調玉燭某年衰甚矣歲換惘然方僵卧以沉綿乃滄勤於勞苦願微生高之可笑安敢乞醢惟嚴鄭公之垂憐時蒙送酒其為感戴罔

究敷陳

寒食享祀謝王才臣送北果啓

伏以熟食按節春祠享先野藪山有方酌言於老瓦胡桃松實忽盈止於加籩繫宗祏之有靈微祉福以冥報豈惟無似之孫子分寶有朋之令芳抒謝不莊撫心靡已

荅周丞相啓

丞相之子彥敷來訪予草具一飯彥敷入京與

欽定四庫全書

誠齋集
卷五十七

七

予二子往還丞相以啓見謝併報予長子改秩

小男就銓

茅簷覆地敢枉東閣郎君之車旌旗拂天肯臨北山愚公之舍自笑春韭黃梁之寒陋安得青芻白飯之滋豐瞻魏冠之切雲矜崇論之振玉慨然促席舉侶過庭誦頓挫清壯之箴紬嚴恕敬謙之旨坐使回聞而知十底須亢問而得三不圖談笑相親之間盡窺宗廟百官之蘊欲推謝而未克忽誨言之有來顧惟荷條二子之賤

微曾何足算乃至長安共客之落莫其罔不矜諗以得
覲之日辰與夫考藝之姓字河陽桃李茲可忘一紙之
春風使部銓衡恐難遁諸公之刀尺仰感烹魚之素俯
寬舐犢之私奏記不莊撫心靡已

荅周丞相賀長男改秩幼子中銓啓

長男難矣初臨壯縣之萬家幼子斐然偶試吏部而一
得民之多倖揆厥所元繫我公頭章破白之恩及平日
口講拾青之誨率俾先人之門戶未荒數畝之蓬蒿歲
之中心感焉至骨續其慶語之游至嗟若謝詞之數窮
名位卑微誤辱二雛之賀衣冠盛事敢當一字之褒泚
筆有齋僭風孤往

欽定四庫全書

誠齋集
卷五十七

誠齋集卷五十七

欽定四庫全書薈要卷一萬五千六百三十五
誠齋集卷五十八

宋 楊萬里 撰

啓

荅新太和張縣丞啓

三世與游豈曰薄乎云爾一書未至久已聞而知之竊
惟英妙之年載飛俊茂之望水循除而灑灑小助藍田
之哦鳳高逝以縹縹即還阿閣之遽某老披獨速病挈
笈簞舉厚祿之故人茫無一字微白雲之高誼焉得八
行報雖不莊情則靡已

賀趙守加恩食邑啓

恭審膺受贊書光啓封國分茅昨土允為儒學之榮增
秩賜金即表公卿之選恭惟驩慶某卧病山墅阻造府
廷不勝狗馬之誠敬馳燕雀之賀

荅周丞相再賀生孫啓

伏以章孫載毓卿袞踰褒方馳摧謝之緘重拜屢書之

欽定四庫全書

誠齋集
卷五十八